



12. januar 2021

Inatsisartut ingerlatsinermut maleruaqqusaanni § 37 imm. 1 tunngavigalugu Naalakkersuisunut ima apeqquteqaateqarpunga.

Naalakkersuisunut apeqquteqaatit:

- 1. Tunumi qernertanik qilalugartassiissutinut aaliangiinermut Tunumi piniartut aalisartullu Kattuffii qanoq annertutigisumik akuutinneqarpat?**
- 2. Naalakkersuisut piniartut siunnersuutaanniit biologit NAMMCO-llu siunnersuutaannik pingaartitsinerusutut innerat sumik pissuteqarpa?**
- 3. NAMMCO-mut ilaasortaanermi pitsaaqutit pitsaanngequtillu suunersut Naalakkersuisut qanoq nalilerpaat?**
- 4. Kalaallit Nunaanniit qanoq iliorluta tunumi piniartut maluginiagaannut NAMMCO-mi biloginut paasinnitsissinnaavagut?**
- 5. NAMMCO-mut ilaasortaanerput sumik tungaveqarpa, aammalu qanoq pingaaruteqartigissagaluarpa, aaliangeraluarutta, ilaasortaajunnaarusulluta?**
- 6. NAMMCO-mut ilaasortaaneq aningaasartuuteqarfua, taamaappallu aningaasartuutit taakku qanoq annertutigippat akiliutitsinnullu suut pissarsiarisarpagut?**
- 7. Naalakkersuisut sammisamut tunngassuteqartunik allanik ilisimatitsissuteqarsinnaappat?**

(Inatsisartunut ilaasortaq Justus Hansen, Demokraatit)

Peqqut

Arfanniarneq oqaluttuarisaanitsinnut kulturitsinnullu naliginnaasuuvoq. Tamanna nunami tamarmi atuuppoq. Tamanna tunngavigalugu ajuusaarnaqaaq, Tunumi arfertassat taama annikitsigineri. Pisassat taamak annikitsiginerisa piniartutut inuussutissarsionnissaq erloqinartorsiortippaat.

Tunumut qilalukkanik qernertanik pisassiissutit katillugit 2020-mi 50-iupput, maannalu ukiumut qulininik ilanngarneqartussatut inissinneqarlutik, 2023-imut pisassiissutit 20-iinnanngorlugit.

Uani imatut inissittoqarpoq, biologit immikkut ilisimasallit nunaminnilu immikkut ilisimasallit (piniartut) isumaqatigiinnatik. Piniartut nalunaarutigaaq, arferpassuaqartoq, biologit aammalu nunat assigiinngitsut akornanni oqalliffiit soorlu NAMMCO isumaqartut, Tunumi arfernik piniartoqassanngitsoq.

Taamaattumik NAMMCO-mit 2019 nalunaarummi innersuussutigineqarpoq, Tunumi qilalukkanik qernertanik piniartoqanngilluinnassasoq.



DEMOKRAATIT
DEMOKRATERNE

Taamatut apeqquteqarlunga pisassiissutinik aaliangernermut paasissutissanik aammalu suna iluaqutaanersoq uagut inuiaqatigiittut ilaasortaanitsinni soorlu assersuutigalugu NAMMCO-mut. Toqqissisimanarinngilara, biologit piniartullu pissutsinut piviusumut taama assigiinngitsigisumik paasinnittaaseqarnerat.

Apeqqutima akineqarnissaat kissaatigaara ullut suliffiusut qulit qaangiutsinnagit.